

光
啟
堂
文
集

光啓堂文集

龍眠方孝標著

重修杭州正氣樓記

杭州錢塘門東三里有寺、惠勤講院之故址也、以歐陽
子之六一泉在焉、故名、東偏舊有樓、背保俶山、面南屏、
吳山俯其左、蘇堤縈其右、勝地也、後圯、有常熟陳公者、
樂而新之、取錢考功之句、顏曰數峯閣、于是遊者日酒
食其上、而寺僧厭苦之、盡闢壯繆侯像以重之、會寓公
某有感于有明三朝死難之諸賢、欲祀之、無其地、乃奉

壯繆像于別室而卽其間以祀分三室中列永樂朝死
遜國之諸賢若干位右則天啓朝死璫禍之諸賢若干
位左則崇禎朝死闖賊難之諸賢若干位以配之而榜
其楹曰累朝正氣因更名正氣樓歲久又將圯文學某
惕然憂之曰正氣樓可圯歟鳩工又新之屬記于余鳴
呼治亂者古今之大運忠義者人心之常經然非上之
人有以教之則其理不明非有以養之則其氣不充非
有以表章而聳動之則其道不立是以雍齒仇也而漢
高帝封之韓通逆命也而宋太祖葬之以至福壽余闕

抗師者也而明太祖諡之祠之我章皇帝御極之八年亦詔禮臣褒明季死難之臣豈非謂三代以前學校興禮樂備人皆知忠義之安且樂而不忠義之危且苦于是忠義者多自秦以後學校或興或不興禮樂或備或不備人見不忠義者之多安且樂而忠義者之或危且苦于是忠義者疑而不忠義者反信書曰于汝極錫汝保極保之者下之事也錫之者上之事也是以如是其汲汲也然吾嘗反復于有明之盛衰而不能無疑于其始終之際金川之役以義論之臣逼君以系屬之子

繼父死之者固忠從之者亦未爲大不義而諸君子其
伏鼎鑊受誅夷不則困頓山谿老死道路而不恤如齊
黃方景補鍋雪菴表表者矣其他以株連羅織而死之
者不知凡幾雉經汨淵者不知凡幾山陬海澨雖仗義
凜凜而當世不敢言者又不知凡幾卽如先五世祖伯
通公諱法中洪武己卯鄉試實出正學先生之門時明
太祖雅重正學謂所取必皆材不待禮部試輒官之而
吾祖得四川斷事後靖難詔至蜀吾祖麻衣往哭有司
逮之毅然乘舟順流下謂其僕曰我皖人也望見皖之

山告我舟近安慶望見龍眠山峯吾祖北向再拜日期
無負吾君吾師而已踊身沉江死祖妣鄭氏亦從之死
當時莫敢言迨吾祖父冲含公萬曆間爲御史疏聞之
始祀表忠觀由此觀之其未遇子孫之賢而湮沒者又
不知凡幾嗚呼可謂多矣及其後也渤海之反在廷多
懷二心土木之難殉者寥寥至死璫禍者亦前有六人
後有七人而已甲申之變雖從容就義者有之闔門自
焚者有之然可數也或其時尙有求死而未殊者尙有
城亡師敗而死無聞者然而較之遜國什之一二矣何

始之多終之少歟時爲之歟抑亦太祖之于隔代褒之
唯恐不足而成祖之于當世誅之惟恐有餘歟雖然人
心無異也前賢此心後賢此心也前賢之心固太祖之
所不能增而後賢之心亦成祖之所不能損也卽今陳
迹已往而過此樓者必肅然敬慨然慕此敬之慕之之
心卽諸賢死之之心充諸賢死之之心豈異後世之敬
慕而後世欲聳動其敬之慕之之心必有賴于諸賢也
然則斯樓雖微而有補世教豈曰小哉敢書壁以存其
功

建寧府重修朱文公祠碑記

建寧司理姚君經三佐其守治郡之明年化洽政理廢墜修飾爰考徽國文公朱子祠之故址而新之門垣堂廡齋講庖湑莫不嚴具而于麗牲之碑禮有記猶闕焉康熙六年余來遊此而姚君以其文命余且曰吾以子讀朱子之書而嘗有得于其道者也朱子其先徽人也而實產于建建故有祠後燬于兵督學陸君咸一謀所以新之而屬其事于吾吾與同官諸君子割廩祿以圖其成凡材甃工役皆無與民而民勸焉成之日率鄉之

卿大夫博士弟子瞻拜致享翼翼莘莘觀者或歎以爲
數十年所未有吾悉後之人或未知朱子之何以祠與
何以修祠之意而不加之葺故欲子之告之也余曰美
哉諸君其知政乎記曰釋奠必有合有國故則否蓋釋
奠釋菜皆古禮也隋唐之際詔州縣立學釋奠之禮遂
著爲令而釋菜無聞焉古者士見師以菜爲摯故始入
學必釋菜以禮其先師然則釋奠之禮祭先聖者也釋
菜之禮祭先師者也先師者苟其國之無焉則必合于
鄰國而祭之則其國之所有者可知已慨自孔孟之道

絕至周濂溪氏出而復傳當時見知者則有二程子張子後之聞知者則有朱子然則江州之于濂溪伊洛之于二程關中之于橫渠建之于朱子皆所謂先師者非歟此四地者即使其向無四子之祠且必訪求輦舉之况故有之而忍令其蕪弗不治也哉然而世降道微嘗見學校之修正祀之舉人多趨翹顧望而于浮屠老子之宮輒倒廩傾困惟恐弗及夫豈盡風俗之衰歟抑上之人無以倡之而大道之不明于天下也且夫朱子之有功于建又非三子之于其地者比何也建固百越文

身之地也。自漢武帝時始通于上國。至唐常袞刺是邦。乃教以詩書禮樂之事。而俗僻遠猶未齒中原之文獻。宋南渡後。篤生朱子。倡教東南。于是前此之若胡若劉。若游若李。後此之若蔡若黃若真若董。開承相濟。極盛一時。而建之聲名文物。始歸然爲百世望。然則建之人。思朱子功。而所以報其德者。宜何如謹而一祠之修。願必有待于今日。此姚君之所以亟爲倡。而又命余以記也。嗟乎。王假有廟。易之所以萃人心也。景行行止。詩之所以觀民則也。朱子之功德。豈以一祠之興廢爲重輕。

然○而○祠○之○足○以○重○輕○乎○建○者○固○不○繫○乎○朱○子○也○後○之○人○
其○必○讀○朱○子○之○書○而○有○爲○于○建○者○不○心○是○也○夫○余○知○其○
不○然○也○敢○拜○手○而○爲○之○銘○銘○曰○

於○皇○聖○道○ 孟○絕○周○續○ 關○雒○既○興○ 天○人○來○告○

狎○主○光○岳○ 彝○倫○榛○莽○ 爰○生○哲○人○ 木○鐸○振○響○

世○系○新○安○ 從○考○于○尉○ 鍾○靈○建○州○ 足○方○豐○沛○

日○民○不○興○ 由○經○弗○正○ 集○注○用○彰○ 根○源○性○命○

圖○書○分○傳○ 象○數○理○氣○ 融○而○合○之○ 啓○蒙○本○義○

乃○叙○風○詩○ 表○正○黜○邪○ 禮○雖○未○備○ 用○式○于○家○

序律呂書。老友同功。究討周書。責在九峯。

緝目義例。原本春秋。旁逮騷雅。吟嘯風流。

經法既定。迺闢異端。佛老波漫。廓如更難。

當時景從。後代仰止。乃不勝讒。僞學是詆。

元明尊儒。力闡幽光。空言實事。洙泗同行。

嘗見天都。崇修闕里。云何建人。未遵典禮。

宜倣孔廟。牢醴价賓。侑立四配。劉蔡黃真。

百爾敬共。曷請宗伯。下之黷宮。視民有則。

故祠用修。躬逢何幸。永矢萬年。觀成有慶。

建寧縣聰雲橋記

建寧縣治在萊山中而郭枕大溪有橋二一在縣東南隅曰鎮安橋一在北之隅曰聰雲橋亂後皆廢壞袁子立仲來爲令始新之于康熙癸卯之冬鎮安橋落成而聰雲橋力未遑及今始告畢事余適在其地成之日袁子率其鄉之士大夫及博士弟子里胥鄉老相與酌酒橋上以予賓也召而蒞其會酒酣諸公偕起爲壽曰斯二橋之新也雖有遲速而成功無異若茲橋則尤難何也昔綏之民雖困猶可支近則海蜃披猖山蝨竊發軍

與騷驛雖良有司目焦心蹙額爲斯民請命而天高網
密呼搶莫聞數年來亦少康然而供億之繁輸將之苦
有惟日不足者矣是雖民之田疇家室或不遑將况其
他乎乃茲橋之成一倡衆和不數時而石梁孔堅飛輦
有翼豈非侯率之有其法而勸之有其方歟公曷紀之
余曰予非綏之人其何能紀綏之事雖然有幸焉非獨
幸綏之得侯幸侯之治綏也亦非獨幸侯之治綏幸人
心之猶古而先王之政之可行于今日也何見言之民
雖至愚而伺上意則至神上意無他公私而已公私之

辨維已與民使其爲已公亦私也使其爲民私亦公也
知其爲公則雖匱弊之餘而加以繁難重大之舉亦不
知其何以成而成苟知其爲私則雖豐亨富有之日試
以小事亦必怨謫朋與也昔孟子論子產之乘輿濟人
曰惠而不知爲政夫子產豈不知政者哉其心特出于
惠耳惠者欲民之德已也夫出于惠之心以爲政不特
乘輿爲不知政卽成徒枉成輿梁亦未爲知政出于政
之心以爲惠卽不成徒枉輿梁或成徒枉輿梁而不以
周之十一月十二月亦不失其知政故曰君子平其政

平其政者平其心也是役也使姑息其難而因循焉是子產之惠也不顧其難而並舉焉是先王之政也先王雖遠政在人心故一事有一事先王之政一念有一念先王之政于一事而能行先王此一事卽在三代以上于一念而能行先王此一念卽在義皇以前吾觀袁子治綏視綏之人如家人骨肉視綏之事如飲食起居庶幾乎一事一念之能行先王者一事一念之能行先王而卽報以先王之效人心亦何異古哉余竊怪今之爲政者不咎其政之未善而唯怨百姓之難治不平其爲

政○之○心○而○惟○嘆○古○今○之○不○同○時○曷○不○引○孟○子○之○言○以○觀○
之○也○至○于○茲○橋○之○始○于○天○順○八○年○初○名○萬○達○以○其○與○青○
雲○嶺○接○而○易○其○名○曰○聯○雲○者○在○萬○曆○之○四○十○一○年○知○縣○
岳○公○生○亮○也○圯○而○修○之○者○天○啓○三○年○知○縣○王○公○都○也○燬○
之○者○山○寇○之○斷○我○師○也○今○經○始○于○某○年○某○月○斷○手○于○某○
年○某○月○長○廣○若○干○功○費○若○干○自○有○書○者○余○故○不○具○惟○具○
論○其○所○幸○者○以○應○諸○君○之○命○更○爲○之○銘○曰○

陂澤川梁

周制維謹

單子過陳

知其不稔

毋謂時艱

周道所由

毋謂民勞

百年孔道

綏在閩服

土衍風淳

飛虹駕川

制本前人

盜賊憎主

致爲民病

丁亥迄今

褰裳者困

侯曰修之

民曰從令

財不用徵

役匪戶應

不日功成

塗歌道詠

創始雖艱

守成益難

後來之人

其罔卽安

增之完之

于今有觀

賴先齋記

余寓于楊靜山先生之西園者八年於茲矣。既有堂室以安妻子，又于其東偏屋三楹，深丈餘，廣倍之，窗櫺疏絜，甃砌爽塏，有堂可爲賓客地，東西二室，余嘗于其中架書數百卷，置翰墨鼎彝，以爲燕私之所。階潤二尺，長與屋等，有石黥爲山嶺，翠可愛，隙種佳花卉草，每冬夏輒馥郁蒙密，地雖隘而杳然深邃，可以娛耳目而資詠歌。去則扇來輒居之，因名曰賴先齋。夫賴之爲言，藉也。余嘗考古之君子，自樹立以聲聞當世者，不幸得罪于

時或竄謫遐荒。或放浪湖海。所至輒駢肩累迹。掃室攜壺。丐其筆蹟。異其稱揚。唯恐其足跡之不至。而間所遊涉。則識之圖之。千百年後。過者猶憑弔歎。以爲某遊此。某居此。至以其姓氏爲江山郡縣之名。是固何所藉賴。以爲苟安哉。然余又嘗聞古之稱人善者。必稱其父兄。君子以爲厚。詩曰。詒厥孫謀。以燕翼子。蓋言子孫皆祖父之詒。不可不勉厥德以繼先也。當余投荒之時。捧司寇尺一籍。浩然登車。豈暇復顧妻子。尾瑣南還。流離道路。雖至親知。亦掉臂若行陌。甚者視若疫癘。水火之

不可嚮邇。而靜山先生招之江上。虛館以迎。謁廩以贍。教吾子。勅吾僮僕。如是者三年。迨予生歸。又五年。意未嘗少衰。今靜山先生雖捐賓客。而令子陶雲九臯猶能體先人之志。不以余之老且愚。不能歸爲鄙棄。而一如靜山之所以待余者。夫豈余之自樹立足以感之哉。蓋余與陶雲昆弟之交。靜山之交也。余與靜山之交。先大夫之交也。使非先大夫之德足以感靜山。則靜山待余者。豈如是其厚。使非靜山之德足以庇陶雲昆弟。則陶雲昆弟所以待其先人之友者。又豈能如其先人然則。

余與陶雲昆弟之全是交也皆賴先人之德也此余之
所以名其齋也余友李研齋好爲大書將乞以題其楹
懼不知余之所以者故具云

春遊東園記

東園者毘陵楊靜山先生隱地也。余遭難後，先生館余妻子于園者三年。余還居此者又五年。然余以工作倉皇，瓶罍竭蹶，奔走稱貸，不遑寧處。老親寓維揚，心牽定省，故五年之中，率往來過門一問。妻子飢寒而去，而其實居此者不過數十日耳。而又時多秋冬，未盡茲園之勝也。今春來，逢其公子陶雲初爲修治，且春寒水涸，雖登危閣，蔭長松，撫怪石，而草木無暢遂之容，池沼鮮渟涵之色。惟相與酌酒論文于蒼苔古砌，老樹深篁之間。

而已竊聞毘陵人昔或見先生有茲園而不治者以爲
譏余謂不然夫有園而不治誠可譏然使其馳騁于聲
華勢利之場○晝驕夜乞○而不知有林泉之樂○是可譏也
不則握笑持籌○股削蠹孽○朝營營于金粟之生死○貨法
之通塞○迄暮迫夜而靡寧○是可譏也○若先生者○少事理
學○長掇巍科○車乘之招累及門○不起家本貧而族之婚
嫁喪葬○于是乎歸里之殯殮凍餒○于是乎待遠近知交
之患難○冤抑流離困苦○于是乎周卹毘陵東南之衝○四
方賢士大夫○至未嘗不開樽解榻○相與留連其間○然則

先生之不治茲園者可敬也未可譏也。卽令公子孝友于家三年不改。若先生之未亾也。者是先生內治其身。外治其鄉。後治其子孫。而其子孫復能治先人之事。所治大矣。園云乎哉。獨余之數遊茲園也。數易其景。爲可慨已。壬寅秋。余稅駕適吳夫人。初歿。往哭之。而先生與公子反破涕爲余慶。癸卯之冬。先生憫余勞且苦。鬻衣劇金爲贈于其別也。餞之于園。甲辰歲杪。先生雖病而猶攜酒坐余閣上。相與言塞外之山川風土數年之人情變幻。爲長書。且約先大夫次年止于此。而次年正

月○余○遂○來○哭○先○生○于○庭○矣○其○時○公○子○在○苦○塊○余○獨○遊○茲○
園○山○陽○之○悼○滿○目○淒○其○今○年○先○生○將○服○闋○而○先○大○夫○又○
捐○藐○孤○獨○何○心○哉○韓○昌○黎○之○銘○馬○少○監○也○三○至○其○家○而○
三○易○憂○樂○以○爲○不○幸○然○則○余○于○茲○園○亦○何○不○幸○哉○矧○此○
六○年○間○草○木○之○蘖○者○抱○苗○者○叢○池○沼○之○深○者○枯○淺○者○濬○
亭○榭○山○石○之○崔○如○者○或○偃○如○頽○如○者○或○翼○如○時○不○爲○不○
久○而○余○猶○汲○汲○不○能○歸○治○其○荒○山○廢○園○以○爲○菟○丘○之○營○
園○不○且○將○笑○人○乎○是○爲○之○記○

嘉樹園海棠花記

毘陵古揚州地。厥土惟塗泥。宜草木。故大族厚聚之家。率多園林花木之勝。而特著者。則嘉樹園之桂花海棠花。爲尤奇。壬寅秋。余曾偕友人。攜酒坐其桂花下。竟日。今年春。聞海棠盛開。往觀之。園古遠。多徑。屢折始至其最深處。望之有樓翼然。海棠在其前。而戶扃不可入。問之。蓋主人之母所令也。又聞主人少孤。母才且健。操切以守其家。冬則拉園之枯株朽籜。以給薪。夏市其樹筍。花實以爲利。春秋蒔蔬刈麥。蓋不以園爲遊觀之地。而

以爲生息之資。扁之者防攀折也。必使人通謁道姓名。稟鑰而後得至花下。花三株。一株在東。一榦五支。菁蔥可愛。高七八丈。陰可二三畝。二株在西。差小而並植。則陰倍之。登樓憑闌。花光適半。如坐錦繡茵。如行瑪瑙山。上風來拂拂。又如數萬十七八女郎。作蓮花旋舞。憶余生平見海棠盛處。唯嘉禾某氏園。與都門韋公祠耳。某氏園凡七株。亦叢密斌媚。而小不及此花之古。而大韋公祠有其大古倍之。而苦攀折不及此花之厚。而藏然余於此。又有感焉。夫嘉樹園者。故翰林學士吳復菴先。

生○之○遺○構○也○學○士○生○隆○萬○盛○年○爲○貴○官○以○文○章○諫○諍○聞○
海○內○兄○弟○子○姪○多○占○甲○科○歸○老○處○優○富○冠○江○左○一○時○置○
園○林○凡○七○八○處○遺○其○子○孫○茲○則○其○庶○孫○所○授○也○孫○爲○妾○
出○卽○所○謂○主○人○之○母○者○也○尙○想○當○時○春○陽○旣○浮○園○花○競○
秀○學○士○坐○此○花○下○都○騶○從○操○圓○方○賓○客○滿○前○聲○伎○擁○後○
歌○安○世○房○中○之○章○奏○馬○上○清○游○之○曲○意○氣○豈○不○偉○哉○乃○
今○未○百○年○子○孫○猶○賢○且○貴○而○所○遺○多○轉○鬻○他○姓○不○能○守○
惟○此○園○存○存○又○以○一○婦○人○力○盛○衰○之○理○可○不○爲○富○貴○者○
戒○歟○然○則○觀○此○花○者○抑○觀○其○葉○之○將○茁○苞○之○初○舒○勿○第○

觀其榮華之既盛也何也既盛者衰之漸也是爲記

遊淨慈菴記

淨慈菴一名放生池在開元寺對岸余將往遊之而先
渡水南至光孝寺光孝與開元皆建自唐殿庭闊邃象
設嚴古而不見僧僧寮實翼翼兩廡或云中甚精潔而
客鮮得窺門外有榕樹大七圍高數仞陰蔽一畝時暑
甚解帶籍其下久之起步村市中二里許聞南教寺有
蓮花盛開尋之而寺已廢亦不知花所在矣有流鶯出
千樹仰見蒼松翠蔓掩映紺宇間則開元寺也有僧與
同遊者舊揖入其居過伽藍殿威儀恐人問其神曰呂

蒙也。按蒙吳人何祀于此。僧曰：世傳光孝寺伽藍乃漢
壽侯。每陰雨夜，猶聞爭戰聲甚怒。余曰：荒哉！然亦可爲
奇談者資也。僧能出藏酒，醉客。余不嗜飲，聞有漳州人
楊處士者，善滄茗。今爲僧居萊菴，距此近陟層阜，就而
啜之。日將晡矣，下刺舟過淨慈菴。菴新創也，面錢獅峯。
方丈特高出佛殿後，俯大溪。僧一拙主之。武曰：今夜月
必佳。曷乘舟納晚涼，足快少焉。天忽陰，雲擁月不得上。
未幾徘徊上而座。有客已先放舟，踞中流大石上矣。亟
從之。月忽皎，水光上下如琉璃。屏石激湍流，鳴聲如環。

珮余曰樂哉斯游不易拙曰自有斯石乃有斯游座間
客各言奇怪事無序或云於滇南曾見一大理石屏紋
作三顧草廬圖鬚眉畢具余曰異哉雖然石之生自開
闢然矣三顧事在季漢豈開闢時卽預知之而石生紋
以肖之耶抑此石漢以後生耶此理之不可曉者也或
曰天下事豈可臆度安知我輩今夕之遊世無有圖之
者而異日不生石中紋耶皆大笑還宿菴中質明別去
時康熙六年夏六月某日同遊者李磊英錢飲光江在
湄楊赤城兒子雲施也

遊歸宗岩記

余客建凡三月而不得至武夷客有言歸宗岩者遂以七月初吉同陳子二如江子在湄姚子堯元暨兒子雲施出城東門沿溪行三十里到宜均溪口東折又二三里得山徑細且高盤折與大壑並壑中石廉利如刀劍水瀧瀧齒作聲而蟪蛄鳴葉上相和聞數里突然兩石屹立塞道左不得前而有罅可僂身入銘曰仙靈窟宅蓋謂入此而非人間世也又忽有物若奇鬼森然來搏人視之亦巨石也亦有銘曰補天遺品其謂自天而墜

者耶山半有亭。憇焉更數折入山門。有屋數十楹。弊矣。南詢者主僧也。問其勝。曰。攬秀亭最高。誌所謂香臺也。登之見遠水貫南山直下。縈邨疇而忽有聲從北起。礫礫雲間。或曰。鶴也。回顧無之。惟見陰崖千仞削立欲崩。泉流其顛。觸石忽散。碎如飛珠。如噴雪。又有二山俯其前。詢曰。此落珠岩與香鑪峯也。又指其西岡之半有洞。曰。天風洞。夏吹氣甚涼。雖暑不敢逼。而冬溫然如蒸。余曰。此羣山之氣鬱而得竅以宣者也。陰陽伏故寒暑異。東抵石壁。有柚大如斗。累累綴枝上。下蔭野花。爛熳照。

夕陽如布錦。欲皆往遊之。而日入。暝鐘動矣。宿法堂。夜聞鐘板。噉念佛聲。徹牀榻。不能寐。寐旋覺。亟被衣起。而往尋諸勝焉。天風洞出自穴口。盈丈地。無纖埃。上之得一岩。亦有瀑。或曰此落珠岩耶。余曰非也。更上有大岩。吐夷曠。可坐臥。而細雨濕衣。不見仰之落珠也。壁有銘曰。揚珠以其幽而揚之耶。少東有摩崖字。苔蝕幾不辨。細捫之。乃江陰觀音寺所刻之異僧心經也。香鑪峯甚高。或慄慄。余先登。諸子繼登。江子曰。昨望岩甚險。而今夷曠。昨望峯甚卑。而今峻絕。何也。余曰。天下事。外望以

爲得而深造乃知其非者獨崖與峯乎哉是夕天欲雨少焉霽月上諸子相與侈山水之奇而喟棟宇之弊陳子曰吾聞此寺宋咸淳二年建後燬明弘治間修之而今衰衰復盛亦理也奈民力之絀何因詠杜少陵山寺詩曰安得有咄嗟檀施開如章留後者乎詰旦言別二僧送之言于道曰有祖師洞瞰亂石中蓋宋有僧行乞于此一猿一犬引之來而寺始建稍下尋得之復上又一石紫瑩如璞有嘉靖間人銘之曰紫雲堆皆來所未見也或曰歸宗岩何又名小武夷余曰或昔亦有客建

不得至武夷如我輩者而寄其志以名之耶雖然山水
雖幽窮之亦累古諺云身到勿放過又何大小哉茲遊
也往以騎返以舟凡三日諸子各有詩兒施有賦余爲
之記蓋旣以表歸宗之盛而亦以慰後遊者之志也夫

遊武夷山記

武夷山在崇安縣南三十里、仙經云第十六洞天、彭祖
二子所居也、祀起於漢、故至今有漢祀臺、唐宋皆有封
簡、猶存萬年宮中、余慕其勝久矣、寓芝山、客有以其山
水圖贈余者、樂之、而適有山中人李子來、顧曰、未也、武
夷不可圖也、武夷方廣不過十數里、而水自星邨來、貫
其中、爲九曲、左右峰巖夾峙、不可勝紀、亦不可分隸、然
約計之、有表焉、有附焉、如一曲以大王峰爲表、而幔亭
北斗馬頭換骨諸峰巖皆其附也、二曲以玉女峰爲表、

而鑿鑿峰凌霄峰虎嘯巖皆其附也。三曲之峰巖不勝數。而大約以小藏峰爲表。四曲以大藏峰爲表。餘皆附也。五曲爲九曲之中最深秀。其自北而南盡聳全石爲一峰者大隱屏也。其旁爲接筍。其對爲文峰。至仙掌峰雄據六曲。而玉版蒼屏皆爲掩映。七曲之三仰峰八曲之鼓子峰皆最高。而與六曲之上下城高巖對峙。九曲稍夷曠。而水簾丹霞諸勝實與一曲之大王峰相背立。故後曲之峰巖望之若甚近。而紆回至其下則非望中之峰巖矣。前曲之峰巖一覽若已盡。而後曲望之又非。

所覽之峰巖矣。通仙井已湮而圖猶存。翰墨石貼鏡板。
嶂甚小。三杯儒巾虎鼻老鴉。上下水龜諸石皆綴溪中。
偶名耳。圖肖其形何也。故武夷之勝非大觀不能總。非
詳求不能遍也。余聞之踴躍欲往。而以他務不克成。此
下未秋八月某日事也。踰年春送別姚子經三至崇安。
乃買舟定冥搜之約。於二月初三日詣溪口。雨守戎張
公令尉王公門公已先期具舟輿待。遂冒雨入萬年宮。
飯焉登樓。卽見大王峰方整如切。左稍出而俯色蒼赤。
上甚平。幔亭卽其麓。云卽武夷君宴鄉人地也。玉女峰

相○距○數○武○亭○亭○獨○立○旁○突○一○峰○圓○首○崢○嶸○與○玉○女○隔○皆○
依○依○在○几○檻○間○及○登○舟○入○一○曲○忽○見○一○山○斗○削○直○上○大○
可○數○百○丈○高○半○之○戴○一○峰○如○展○旗○然○山○半○有○屋○蔽○以○紅○
白○板○前○豎○一○梯○梯○盡○一○石○門○地○稍○平○上○又○有○層○梯○而○其○
頂○籠○雲○霧○中○不○可○見○問○之○乃○卽○大○王○峰○也○右○下○有○屋○數○
楹○日○止○止○庵○道○濕○不○可○上○稍○進○過○水○光○石○溪○折○而○方○一○
峰○突○其○前○上○豐○下○銳○廣○可○數○丈○高○十○倍○之○色○蒼○黑○無○纖○
草○紫○其○身○乃○卽○玉○女○峰○也○下○一○峰○稍○亞○狀○如○勒○馬○曰○粧○
鏡○臺○也○上○一○峰○層○累○斜○出○雄○猛○如○壯○士○之○待○戰○曰○鏐○鏐○

峰也。三峰趾相連，心疑處勒馬鑿鑿之間，而又蒼偉如
此。日玉女何也？稍轉見峰面，勁骨凌森，淡白如濯。只勒
馬在其前而鑿鑿隱不可睹矣。再進回顧，則秀潤娟靜，
叢篁冠巔如簪髻狀。勒馬回身相就上戴一圓石如鏡，
然後知古人之命名非無謂也。直視見駕壑船在小藏
峰南，與玉女相望，斗絕萬仞，研開一穴橫駕數丈如度
閣上覆一小舟，所謂仙船也。再進爲大藏峰，陡峻臨深
淵，壁間數穴視仙船巖略小而中皆有枯楂石器。又云
有仙蛻十數函，鄉人禱雨懸梯取之，輒應。或云穴中枯

楂乃川壅未決時人所爲未可知也。兩稍止至平林渡。
紫陽書院在焉。輿而謁之。荒蕪特甚。求所謂仁智堂觀
善齋止宿寮。皆不可得其趾。卽歷代修復之功亦盡廢。
余與姚子憫焉。再拜於庭。爲修葺計。欲再入舟。或云去
此爲雲窩。近可徙而過。余喜曰。李子居耶。策杖循溪遇
鋤者。問李氏曰。在使之導。不顧造廬。李子出相慰勞。兩
復作。不可他遊。而從者趨就天遊觀。輿而過仙掌峰。峰
高數千仞。橫二里許。草木苔蘚皆不敢附上。有石罅。黝
潤儼如掌紋。數折於掌之前後。至一門。顏曰天游道士。

肅而入字多敗。唯前一亭稍整。一覽臺也。天忽霽。左右前後諸峰巖莫不呈形。欲勢如大將登壇。偏裨皆俯首聽令。莫敢仰視之狀。而覲面最巨者。則大隱屏。有附一峰。上欹下削。有痕三斷。附處緣間懸梯。梯窮阻石緣而北。峭壁凸出。行者側足。似有物絙而渡。絙窮有門。門內有磴。陡逼詰曲。兩旁石澗。似不甚深。道士曰。此接筍峰也。余曰。人言大王峰最險。接筍峰次之。觀此亦何有焉。道士唯唯。忽又雨。雲綃四幕。諸峰如螺蚌行大水中。忽浮忽沉。若斷若續。暮矣。於是令尉具酒食。張樂。空山鼓

吹○響○答○鏗○訇○亦○不○覺○其○喧○也○夜○商○遊○政○李○子○曰○觀○後○有○
田○數○百○隴○成○邨○疇○若○不○在○萬○仞○上○有○泉○灌○田○而○下○曰○胡○
麻○澗○有○閤○曰○生○天○閤○下○俯○三○曲○如○線○明○晨○當○先○攬○之○而○
後○下○汎○九○曲○回○望○諸○峯○可○乎○黎○明○雨○甚○午○稍○止○急○尋○胡○
麻○泉○奔○騰○澎○湃○穿○石○爲○溜○爲○孔○者○四○五○折○而○下○莫○知○其○
委○跨○而○渡○見○田○疇○望○生○天○閤○更○思○蓐○食○於○觀○而○從○者○已○
趨○下○不○可○留○遂○尋○故○路○達○雲○窩○雲○窩○爲○故○司○馬○陳○公○所○
構○有○石○門○茶○洞○所○由○入○也○地○載○微○土○宜○茶○時○茶○方○吐○甲○
而○桃○李○間○花○忽○有○瀑○布○千○仞○從○山○夾○中○濺○穴○衝○堅○怒○號○

噴薄而至亂石間忽不見唯聞風雨聲淙淙然李子曰
此卽跨而渡之胡麻澗委也欲登接筇而雨益甚遂順
流歸此戊申二月初三初四日事也留崇安六日別姚
子於長亭復操舟至溪口免李子爲導欲先徑探水簾
而後再遊九曲乃歷境不能舍是日朝雨午霽大王峰
巔趾全露層梯之上老樹大木可數百株有巨石似從
上墜者爲登仙巖或曰昔十三仙由此而登故云經止
止庵上焉白玉蟾修真所也有巖曰望鶴蓋大王峰腰
一白石痕彷彿如鶴耳過鏡板嶂至大藏峰下求金雞

洞云在山後問臥龍潭云昔有龍去八年而歸至今曉
夜猶隱隱有白氣貫天足雖不可知而溪流皆湍激此
獨停蓄若不測深山大澤龍蛇居之亦理也望三仰並
蓮心躍躍已在八九曲間而小九曲之對呀有人立石
上逼視之乃先所期山中人藍子將邀余宿其家余曰
唯敢俟返棹急過蒼屏歷響石巖顧山間有徑李子曰
此小桃源路也武夷山俱峭崿獨此抱諸山中以三仰
峰爲倚一徑深入灌木夾生隕石相叠自成門戶其中
土曠泉香籬落比節真漁子問津處也欲從之舟已過

歷○百○花○莊○望○三○教○峰○水○勢○圓○轉○蓋○五○曲○以○前○其○曲○如○矩○
五○曲○以○後○其○曲○如○規○水○自○九○而○一○山○自○一○而○九○至○此○山○
勢○亦○稍○解○人○家○皆○處○平○疇○中○無○復○嵯○峨○崩○之○態○矣○日○
亦○暝○遂○返○更○衣○臺○臺○卽○文○峰○峰○圓○聳○鑿○石○爲○磴○曲○折○凡○
數○千○級○峰○半○有○樓○兩○梯○相○接○緣○而○上○又○循○石○磴○數○千○級○
得○崑○石○山○房○乃○藍○子○家○也○是○夕○月○皎○客○有○鼓○琴○者○爲○平○
沙○夜○話○之○曲○天○空○雲○淨○鸞○鶴○飛○鳴○余○笑○曰○倘○有○尋○幽○而○
至○此○者○豈○不○以○我○輩○爲○真○仙○乎○明○日○卽○欲○問○小○桃○源○而○
藍○子○曰○當○先○一○線○天○爲○具○筍○輿○繞○虎○嘯○巖○忽○田○忽○邨○忽○

峰忽澗六七里至兩山層附間由風洞入冷廳如秋肌
膚栗烈仰視青天光露如綫抗墜行得一洞出日伏羲
洞也對過乃太極巖一名倉基巖大山俯逼廣石平承
云陳友定昔駐兵而積粟於此耕者猶或得朽穀焉從
者饑有僧曰去此數里有本道人庵可命炊往飯焉別
循小徑逶出玉女之背忽又見鑿鑿峰兀然來迎有石
刻鏡臺兩字大可丈餘然後知在二曲內也一大嶂逼
輿上曰小藏大藏也無何見溪舟在焉乃昨所舍登更
衣臺處也復棹往小桃源暮矣問宿處曰必下城高下

城高在雲窩之對岬。又過李子家。月出尤皎。坐溪石上。
暇。武夷茗上。城高庵宿焉。客曰。我有黃公望畫圖一幅。
欲觀之乎。余曰。善。客故遲。亟索之。振衣起。日來。乃從林
隙而指雲窩。見隱屏立其後。晚對天柱。峙左右。下臨清
流。翠竹古松。虧蔽臺榭。此豈筆墨所能及乎。曉循山境。
下客曰。昨乘輿不覺高。今始知。又一夕臥天邊也。渡過
乃得至小桃源。宋有石堂寺。今改三元宮。前有石類磚。
泉出其下。名金磚泉。寒冽爲諸泉冠。復步過茶洞。再觀
瀑布伏流。石上有題曰。司馬泉。山坳有架椽。前海棠三。

四○株○花○盛○開○皆○前○所○未○見○也○至○接○筍○峯○下○仰○觀○懸○梯○三○
接○凡○七○十○餘○級○其○紐○乃○鐵○索○其○徑○曰○雞○胃○巖○其○磴○曰○龍○
脊○旁○澗○深○可○數○十○丈○皆○前○所○望○見○而○今○始○知○其○險○也○俄○
有○道○士○下○携○茶○一○餅○餽○余○曰○武○夷○茶○以○接○筍○茶○洞○種○爲○
佳○此○手○焙○者○也○侍○童○上○下○頃○刻○往○還○客○異○之○余○曰○山○居○
習○險○奚○異○哉○更○欲○窮○水○簾○之○勝○而○日○將○晡○從○者○皆○欲○還○
李○子○曰○樂○不○可○極○留○此○以○爲○再○遊○地○可○乎○遂○緩○棹○領○要○
歷○捫○宋○元○諸○題○刻○而○別○此○二○月○十○一○十○二○十○三○日○事○也○
是○遊○也○前○二○日○後○三○日○宿○溪○口○者○二○宿○天○遊○者○一○宿○更○

衣者一宿。城高者一凡。六經溪雨泛三晴。泛二月泛一。
前之同遊者。姚子經三。陳子二。如蔡子左婁。楊子赤城。
賈子猶龍。劉子元階。表姪姚子堯元。綏仲。余之少子雲。
施侍焉。李子者。磊英也。後之同遊者。李子磊英。蔡子左。
婁。楊子赤城。余之少子雲。施藍子者。素先也。特自楚來。
遊武夷。而館於磊英家者。李子嘗之下。接筍而餽茶者。
金子乾陽。居小九曲而來同者。僧非圓。自東苑而來同。
者。僧當人也。爲詩十二章者。姚子也。賦者。施記者。余也。

燭會記

崇安有神曰老佛云能禍福人故其鄉虔祀之有廟在
治東四十里相傳二月初八日爲神誕辰先數日鄉人
昇其像近郭至初六日縛綵輿置像其中像長丈餘黑
赤色冠錫毘羅衣黃袈裟又有三將曰唐曰葛曰周謂
皆神隸像色如老佛而差小冠漆幘頭衣絳錦袍亦各
載綵輿金鼓旌旗行市中夜則家然燭以迎送余適以
是日至崇安守戎張公觴余于署酒闌辭張公止之日
今夕燭會例先陳有司之庭而後及于市曷少畱觀之

以何金鼓聲動天地旌旗炫目香郁郁如霧時漏下三刻而堂廷廊廡間忽焰燿如畫燭尚在半里外也頃之至見十數人舉一橫木板濶一尺長丈餘穿十數穴穴置燭燭色紅高五六尺大一把日燭架凡數百架架窮則燭抬以尺餘小木爲四柱交橫而方輔以二竿中載一燭圍尺餘高三四尺二人肩之隨二人一持紅白楮花一執香口喃喃誦不知其詞凡數千抬抬窮則燭亭以木爲小亭屋其上欄其四旁縱橫數層置燭中橫一木爲梁一人肩以行望之如火浮屠然數若少千抬而

與架等又有散燭人執一方木板有柄穴而置燭燭高
大如架之燭而貼金花綵勝尤華數多不可勝紀矣散
燭之半十數人昇一將奔入而呼出三將出散燭益多
則老佛來矣輿益大聶呼益甚老佛出燭竟而餘光猶
赤半空也是夕也街巷填溢家懸燈焚香于門羅而拜
或新粧炫服男女交錯然終夜皆肅敬無敢佻達明日
選役童作八仙粧騎馬先導家出玩好書畫列几上昇
而從三將老佛殿出東門其某鄉人必持挺伏草中大
呼躍出曰奪老佛某鄉人必曰奈何復號跳劫而還以

爲○常○矣○或○奪○莫○或○劫○則○其○鄉○以○爲○水○旱○憂○故○有○至○闕○而○
訟○者○不○悔○也○余○怪○問○之○曰○神○好○燈○故○燭○神○好○奪○故○爭○問○
何○以○好○奪○曰○神○故○崇○安○翁○氏○子○其○父○承○瓚○仕○南○閩○王○審○
知○死○王○事○神○爲○僧○行○脩○聞○遠○近○王○迎○事○之○福○州○鼓○山○死○
崇○人○請○其○骨○福○之○人○不○遣○爭○不○已○王○曰○投○尸○中○流○觀○上○
下○可○也○水○自○崇○下○福○而○尸○則○逆○流○上○故○崇○之○人○獲○焉○福○
之○人○要○諸○道○崇○之○人○復○奪○以○還○故○至○今○悅○神○以○奪○也○神○
生○晝○夜○然○燭○故○知○燭○神○所○好○也○鄉○又○有○二○神○一○好○金○一○
好○香○至○期○亦○必○釀○金○焚○香○以○爲○會○而○如○此○燭○者○或○曰○淫○

祀也。且民不賦之樂供而燭靡金錢無算。曷禁諸余曰。不然。民可順不可強。千年之祀其鬼必靈。苟其人之德不勝邪而強爲不信之使民愚必駭且怨。人怨卽神恫矣。故記曰。事之無害于義理者從俗可也。

光啓堂文集

龍眠方孝標著

春秋論

有○殺○人○以○兵○者○也○有○殺○人○以○意○者○也○殺○人○以○兵○而○殺○其○
所○當○殺○者○君○子○以○爲○意○勝○兵○殺○人○以○意○而○殺○其○所○不○當○
殺○兵○者○危○意○者○愚○也○夫○同○爲○先○君○之○子○而○操○戈○以○向○犯○
君○焉○不○忠○犯○先○君○焉○不○孝○不○孝○與○忠○賊○也○說○者○謂○曷○緩○
追○以○逸○賊○逸○之○而○鄰○以○爲○口○實○是○與○亂○乎○先○君○之○邦○也○
夫○取○兄○弟○于○其○母○之○懷○而○殺○之○不○可○取○賊○于○其○母○之○懷○

而殺之奚不可也。雖然何致乎此也。其致乎此而幾幾乎以僅勝乎此者。雖自以爲至巧而不知其爲至危也。或以爲至僭而不知其爲至愚也。如鄭莊公之克其弟段也。誅莊之事者。古無異辭。而穀梁左氏程氏胡氏則皆原其志而誅之。蓋莊惡段之將奪已也。而殺之無故。則姜氏不與。國人不與。天下不與。故藏其機而使之蹈縱其欲而使之侈養其凶而使之成。迨叛逆已著起而乘之。則段爲雉兔而莊爲網罟。誰曰不與。豈非至巧乎。然而危矣何也。段特妄人耳。使段有中人之材而藉其

大邑之勢外示以敬順之貌而內畜其猛鷙之謀莊以是養段段亦以是養莊力積時至而忽然變發于肘腋之間名介于曲直之際安知其段不爲莊而莊不爲段乎故經曰鄭伯蓋國人與師與將皆所不繫而專之者鄭伯也專欲難成也曰克能也勝也幾幾乎其不能勝而僅能以勝之之詞也故曰危也且莊公亦嘗有悔心矣議者謂其欺也非悔也然而觀其謂潁考叔曰爾有母遺繫我獨無豈非其孝心之未盡滅者乎觀其于隱公之十一年封許叔于東偏而告之曰寡人有弟不能

和協而使糊其口于四方于莊公之十六年鄭公父定
叔出奔衛三年而復之曰不可使共叔無後于鄭豈非
其友心之未盡滅者乎夫常爲不善而無悔心之萌焉
則不善者樂常爲不善偶爲善而有悔心之萌焉則不
善者苦當其闔牆旣賦大隧載歌莊公自念生平恐將
有求爲共叔之死而不可得者矣何也共叔身死也莊
公心死也哀莫大于心死而身死次之是莊公欲欺人
而適以自欺其心莊公欲陷人而適以自陷其心豈非
莊公之自殺乎故人以莊公爲天下之至僭而吾以莊

公爲天下之至愚嗟乎象憂亦憂衆喜亦喜恩也使吏
治其國而象不得有爲義也恩義並立舜之所以待象
也衆建諸侯而少其力得恩義之遺者也古之人豈異
人任而何莊公之不及此乎以此坊民而後世猶有吳
楚七國之反永嘉八王之亂者

春秋論

凡書盟者惡之、凡書會皆譏也、此賢者之言、而語於聖則未也。聖達節、賢守節、故傳曰：經事知其宜、權事知其變、知世之不得不變而不與之俱變者、聖人之經也。亦與之爲變、而以不變者用其變、聖人之權也。有虞氏未施信而民信、夏后氏未施敬而民敬、迨殷人作誓而民始無疑、周人作會而民始無叛。誓誥者信敬之變也。聖人不惜以誓誥通信敬之變者、在三代已然、而況春秋之時乎。夫使其時皆循理敦義、而無刑牲歃血之事、聖

人○豈○不○欲○之○而○無○如○其○不○得○已○也○蓋○由○是○而○上○則○爲○商○
周○由○是○而○下○則○爲○戰○國○爲○春○秋○之○盟○會○誠○不○若○爲○商○周○
之○誓○誥○然○與○其○爲○戰○國○之○干○戈○又○不○若○爲○春○秋○之○盟○會○
矣○是○以○春○秋○之○始○盟○會○之○一○變○也○春○秋○之○終○又○盟○會○之○
一○變○也○且○夫○合○一○經○觀○之○有○所○謂○隱○桓○莊○閔○之○盟○會○有○
所○謂○僖○文○宣○成○之○盟○會○有○所○謂○襄○昭○定○哀○之○盟○會○其○始○
也○不○欲○有○伯○而○繼○且○恐○其○無○伯○其○始○也○不○欲○諸○侯○之○交○
而○繼○且○恐○其○不○交○始○惡○大○夫○與○諸○侯○交○繼○且○求○諸○侯○之○
與○大○夫○交○而○不○可○得○也○始○惡○大○夫○與○大○夫○交○繼○且○求○大○

夫之與大夫交而又不可得也。于蔑于宿內交之始也。于石門于瓦屋外交之始也。皆春秋之所惡也。然而至莊十三年會于北杏舉天下而聽于一邦古無是也。僖之二年盟于貫三年會于陽穀四年楚屈完來盟於召陵五年會首止七年盟甯母八年盟洮而鄭伯乞盟九年盟葵丘天下之權皆在伯主矣。而春秋于此無貶詞者何也。蓋伯王之興天下以有所統也。而無王伯主之不興天下又以無所統也。而無伯終以無王故隱桓之盟會多書王而僖文以後之盟會書王者寡豈非謂王

迹之煥固世道之衰而伯主之興亦世道之幸乎迨僖
之十七年小白卒而楚始橫自是中國無伯者十餘年
二十八年始有踐土之盟于是昔之在齊桓者今轉而
歸晉文矣襄公以下不能嗣業宋秦奮起亦無所成悼
公再興而盟于戲盟于亳北會于蕭魚若弗暇焉自是
而後晉亦不兢蓋至襄之二十七年而宋之會晉楚之
從交相見昭之元年而號之會再讀舊書于是晉楚等
矣四年楚靈大會于申實用齊桓召陵之典平丘之盟
雖曰再主夏盟而晉之會諸侯由是止矣鄆陵以後參

盟且見參盟見而諸侯無主盟矣夫天下之有伯諸侯
之有交也天下之無伯諸侯之無交也觀隱桓莊閔之
盟會固惡天下之慢鬼神而觀襄昭定哀之盟會不尤
傷天下之無刑政乎外此而諸侯與大夫盟則自垂隴
始也春秋之所惡也及政在大夫雖求有諸侯之主盟
如昔之盟扈會穀盟宋者而亦無之也大夫與大夫會
則自衡雍始也春秋之所惡也及陪臣執命雖求有大
夫之主盟如昔之承筐無婁盟蜀盟戚者而亦無也大
夫諸侯專天子而大夫卽以專諸侯大夫竊諸侯而陪

臣卽以竊大夫愈趨愈下愈變愈窮雖聖人亦無如之何也故邇其所自則文武成康之盛可以接堯舜之傳沿其所流則七雄分裂之極不至于秦不止聖人知世之必至于秦也而以其惡之譏之者明繫堯舜之一綫又知其世之可仍爲堯舜也而以其不盡惡之譏之而或與之者陰培戰國之大防然則謂之凡盟皆惡凡會皆譏者何止言其謹嚴而未言其忠恕哉故以爲此賢者之言非聖人之心也得賢者之言也可以守春秋之常而存乎經之體得聖人之心者可以達春秋之變而

善全乎權之用也。

伯夷論

太史公傳伯夷以爲仁聖賢人如吳太伯伯夷之倫詳矣而未言其所以賢及終篇則反覆致意于叩馬而諫采薇作歌二事然則所以賢者豈謂此耶又以爲幸得孔子而名益彰使其不幸不得孔子則亦湮滅而不稱耳嗟乎余謂伯夷之幸不在得孔子而在其餓且死之早以成也蓋名與利皆天之予也而天之惜名甚于惜利故嘗見猶可以僥倖者得利而獨不可以得名苟爲天之所予則必多方以成之或以生或以死若或爲之

苟○非○所○予○則○必○委○曲○敗○露○使○爲○天○下○笑○若○伯○夷○者○殆○天○
之○以○死○成○之○者○耶○何○以○明○之○伯○夷○之○不○事○武○王○必○有○故○
非○徒○爲○商○也○何○也○武○王○文○王○之○子○也○西○伯○專○征○三○分○有○
二○周○有○天○下○之○勢○在○文○王○時○已○成○不○待○武○王○載○木○主○東○
征○而○始○有○剪○商○之○志○也○伯○夷○豈○不○知○之○乃○一○聞○文○王○善○
養○老○而○卽○同○太○公○往○歸○之○伯○夷○豈○徒○哺○餒○者○乎○世○豈○有○
歸○其○父○而○不○歸○其○子○者○乎○伯○夷○豈○不○知○武○王○之○事○之○不○
可○已○而○不○預○計○其○身○之○何○以○自○處○乎○惜○去○古○遠○當○日○史○
未○詳○耳○不○知○其○以○何○日○來○以○何○日○又○去○其○果○在○文○王○旣○

歿○之○後○耶○抑○在○文○王○未○歿○之○前○耶○其○亦○食○武○王○之○食○與○
否○耶○若○四○皓○亦○漢○賢○人○也○聞○高○帝○輕○士○善○罵○故○恐○而○藏○
匿○及○聞○惠○帝○愛○士○遂○來○夫○惠○帝○常○主○也○其○能○愛○士○未○見○
也○不○過○呂○后○當○日○納○留○侯○之○策○使○使○操○璧○帛○往○故○來○耳○
向○使○高○帝○亦○早○納○留○侯○之○策○則○四○人○之○來○久○矣○然○則○四○
人○之○不○事○高○帝○亦○可○謂○之○義○不○忘○秦○者○耶○四○人○之○不○事○
其○父○而○事○其○子○與○伯○夷○之○不○事○其○子○而○事○其○父○其○故○一○
也○固○知○人○臣○于○興○亡○之○際○無○他○道○焉○唯○生○與○死○而○已○死○
則○忠○生○則○非○忠○死○則○事○其○父○而○不○事○其○子○不○失○爲○忠○生○

卽不事其父不事其子並不事其孫而亦非忠故夫伯夷者以餓且死而成也向使伯夷不死而常飽食于西山之上暇則操瓢曳裾奔走于周召畢散之間丐其升斗以活妻孥而復歸而翹然自號于人曰我忠臣也其誰信之其誰信之

顏子論

孔門之徒三千、通六藝者七十二人、而孔子獨以不貳、過許顏子、其義微哉、韓愈氏謂惟聖人無過、所謂過者、非特發于行、彰于言、人皆謂之過、而後爲過也、生于其心、則爲過矣、顏子不能無生于其心、蓋能不貳之于言行者也、斯言也、吾以爲教學者則可、而施之聖賢則猶未精何也、人心本中也、惟有物欲之累、氣稟之拘、故不能無過、如日月之有蝕、剝爲陰陽消息之自然、非日月之所能免、而聖賢之所以異于人者、在能改耳、不貳者

改也。不但貳之于言行。直不貳之于其心也。心一有過。卽害於事。惟精惟一。絕而祛之可也。其後念之有蹈乎此者。必如草甲之。不使再萌。旁念之有似乎此者。亦必批根絕類。而後可。豈一過改之。又一過。又改之。惟兢兢乎。言之不見。而終身在過中。終身在改過中。不幾于頻復之厲乎。易之善言改過也。莫如復曰。復其見天地之心乎。夫曰見。則有時不見矣。然旣曰見。則一見不復隱矣。豈見而復隱。隱而復見。如理欲之相戰者乎。孔子曰。顏氏之子。其庶幾乎有不善。未嘗不知。知之未嘗

復行雖孔子亦言其行矣。然孔子之言爲復初言也。復之初爲震恐其動而不止。故戒之曰：不遠復，无祗悔。謂无抵于言行，斯无悔耳。而二卽曰：休復，休之義如人之依乎本也。謂當依其初之震本，而無再過乎剛也。至四曰：獨復，又爲其頻復之後也。復至於頻危矣，而能下與初應，是存其頻復以後之道，而以中相與，不亦善乎？唯五之敦復，乃所謂出入无疾，朋友无咎之時。卽從心不踰矩之謂也。若反復其從心不踰矩之道，而至于七日之久，則利有攸往。若於此而又迷焉，則其凶更甚。夫敦

復之後且恐其迷而况初乎若不以洗心精一者治其
初幾何不至於頻而迷乎貳者二也頻之所由起也故
曰直不二之于其心也若然顏子已聖人矣而孔子猶
歎其亾孟子曰具體而徵朱子曰未達一間又何說也
曰此自後論之也顏子以聖人之資而不幸未至聖人
之域故惜之若其學則已有得於拳拳服膺而弗失之
矣豈徒在言行之間哉伊川曰學顏子之所學學此而
已若韓氏之論以之爲學者之矩矱固亦未爲不可也

范增論

士君子生亂世而有意功名○不在乎審天下之勢○而在乎審天下之人○苟其人足與爲而從之○則其勢可徐收○苟其人不足與爲○則天下之勢○雖已收○亦必散○况未收乎○故嘗有較其材○或不下與王之佐○而成敗殊途爲足歎也○昔范增從項羽○時勸羽圖沛公○鴻門之會○舉玦者三○而羽不從○又要項莊入舞劍○意在沛公○終不可得○後憤恨辭去○疽發背○道死○說者謂羽之失計○在不殺沛公○故增死○宜也○吾謂增之死○不在羽○不殺沛公之日○而在

從羽之日也何也羽不可以有天下者也淮陰匹夫婦
人之言雖或近慙然不可謂非確識也由此觀之無論
沛公不可殺卽沛公可殺而羽亦不能王蓋沛公非獨
有天下者也其與共者蕭何也良平也信越布噲諸將
之勇也審食其陸賈之辯也此數公者先非皆從沛公
遊羽亦可得而有也乃羽不得有而必待沛公之有則
諸公之不爲羽用也明矣然則沛公卽亡數公能已乎
天下之欲爲沛公者豈少而羽能盡殺之乎增亦不勝
其勸矣或曰增功名士也年七十已老見天下強莫如

羽羽又能下已遂從之而不暇有所審也曰繆矣太公
蘊帝王之畧居渭濱年八十而始爲文王出諸葛武侯
躬耕南陽密邇劉表其時之強孰過曹操以常情論之
不遠歸操必近依表而武侯不然若獨拳拳於先王者
蓋惟文王而後能用太公惟先王而後能用武侯也使
其不遇文王先王則終其身不出而不肯他有所從可
知也向令增不從羽能堅忍以待沛公沛公聽增必過
羽功名所就豈在向所稱數公下哉觀其告項莊曰君
王爲人不忍若屬必且爲虜又曰奪項王天下者必沛

公也其審天下之勢豈不甚明及天下既定沛公數羽
過亦不及他惟日有一范增而不能用然則增之用不
用則繫劉項之興廢者沛公已知之而無如羽之不知
何也故吾憐增之材甚高而不能審所從違足惜也故
論之

留侯論

人○臣○事○君○必○使○其○志○爲○君○知○又○能○預○知○君○志○之○所○在○而○
上○焉○者○先○事○拔○之○次○焉○者○已○事○銷○之○下○焉○者○口○角○爭○之○
矣○迨○爭○之○猶○愈○於○不○爭○而○無○益○則○一○此○忠○臣○之○不○得○已○
而○智○士○之○不○屑○爲○也○吾○讀○史○至○漢○高○帝○欲○易○太○子○大○臣○
諫○之○不○聽○叔○孫○通○諫○之○又○不○聽○太○子○之○事○危○矣○及○留○侯○
決○策○往○召○四○人○來○而○上○意○遂○已○說○者○謂○高○帝○素○重○四○人○
而○見○其○爲○太○子○來○故○以○爲○羽○翼○已○成○不○可○動○而○不○知○其○
所○謂○羽○翼○者○非○四○人○也○四○人○雖○賢○卽○來○亦○不○過○劉○敬○叔○

孫通之流高帝何重哉帝起布衣百戰以有天下豈至
悅一婦人而欲以重器授之孺子若授之斯授之矣而
又不卽授之者蓋逆知惠帝之不足以帝而呂后之必
危劉氏也故思所以制之而又知趙王之不足以制呂
后也恐反激之則變速而禍大故又欲易不卽易也迨
見四人而知出留侯遂欣然以爲留侯爲太子矣留侯
爲太子則太子能帝矣留侯爲太子以帝則呂后不能
絕劉氏矣故竟不易也而又授戚夫人悲歌泣下者愚
戚夫人正愚呂后也呂后豈不知帝之所以欲易太子

者爲忌已乎帝既已不易太子而又啓呂后之疑危道也故示意若真眷眷一歌舞之女子而無他嫌雖明知呂后之必甘心于戚夫人而亦在所不顧助留侯者不亦微乎若然則托孤當專之留侯矣乃荅呂后之問反不及留侯而及之平勃者何也蓋留侯生平之因權設變以欺人耳目而成其功者唯帝知之惟帝能用之而非呂后太子之所能用也卽此四人吾嘗疑其以是人也四人之匿非以帝之輕士善罵乎其來非以太子之仁孝能愛士乎夫帝之善罵今猶昔也逢其怒罵必甚

何○昔○恐○而○今○不○之○恐○耶○太○子○猶○未○爲○君○也○其○能○愛○士○何○
由○見○之○而○遂○爲○金○玉○璧○帛○來○耶○夫○爲○金○玉○璧○帛○而○來○豈○
賢○者○耶○吾○意○帝○不○能○致○此○四○人○必○嘗○有○此○意○他○人○不○知○
留○侯○知○之○安○知○非○出○其○家○所○素○養○之○賓○客○而○假○稱○之○以○
相○震○動○耶○帝○亦○未○必○不○知○其○假○而○其○志○在○留○侯○之○爲○太○
子○義○不○繫○乎○四○人○之○真○不○真○也○然○而○未○嘗○不○以○爲○欺○也○
夫○托○孤○大○事○也○誠○恐○猶○不○濟○而○敢○以○欺○者○當○之○哉○此○意○
也○留○侯○亦○知○之○觀○其○於○帝○旣○老○遂○願○棄○人○間○事○從○赤○松○
子○遊○豈○非○恐○帝○與○后○之○知○其○欺○以○致○危○故○奉○身○退○而○爲○

高帝之所不能誅呂后之所不能殺也終漢之世一人
而已智高平勃不數等哉

桑弘羊論

古有以商賈之行治其國與天下而或效或不效者吾
得二人焉曰管仲桑弘羊齊大國也襄公之亂國用空
虛自管仲教之鑄山煮海遂擅魚鹽之利以鞭撻諸侯
桑弘羊爲不加賦于民而上用自足之言以欺世而其
實不過買賤賣貴教武帝陰奪其民君子曰此亡國之
道也夫武帝雖以此竭倉庫耗民力而至輪臺之悔而
桓公則實成九令之功然則商賈之行固未始不足以
霸而君子必以爲亡者何也蓋正誼者不謀利明道者

不計功。管仲雖智。在功利而猶假乎道誼之名。若桑弘羊則名與實胥失之矣。天地生財。止有此數。不在上則在下。不在民則在官司。馬光曰。譬之霖雨夏潦。則秋旱此自然之理也。公儀休相魯。見織帛怒而出其妻。食于舍而茹葵慍而拔其葵。曰。吾已食祿。又奪園夫紅女利乎。夫園夫紅女之利。尚不奪而況其大焉者乎。以人臣且不可奪園夫紅女之利。而況其在上焉者乎。吾嘗見唐宋之季。其君與臣講求財利。可謂析秋毫矣。其時國非不富也。家非不豐也。不數年而敗亡接踵。蓋乘其富

貴○之○力○以○與○小○民○爭○利○民○豈○能○勝○之○不○勝○則○苦○苦○則○怨○
怨○則○爭○爭○則○不○至○於○篡○弑○奪○攘○之○禍○不○止○夫○至○篡○弑○奪○
攘○之○禍○與○而○昔○之○專○利○者○又○豈○能○享○哉○此○所○以○咸○陽○孔○
僅○楊○炎○字○文○融○呂○惠○卿○桑○哥○之○流○君○子○皆○以○爲○亡○國○之○
臣○而○非○足○國○之○臣○也○雖○然○此○猶○以○商○賈○之○行○勸○其○君○而○
未○嘗○身○爲○之○者○也○若○身○爲○之○則○其○害○尤○不○可○言○何○也○人○
君○去○民○遠○其○行○事○天○下○猶○未○必○盡○知○或○以○爲○苟○紓○一○時○
之○急○而○非○有○意○于○奪○吾○也○人○臣○而○爲○此○則○其○爲○賄○賂○之○
章○也○妻○妾○宮○室○之○奉○也○何○疑○故○怨○必○更○深○矣○且○夫○天○下○

之凶每伏于吉天下之禍每伏于福小民把握輕微以奔走風雨又有關市之征輸將之苦尙恐不給而上焉者厚其貲脫其關市多其徒隸以張聲勢安居逸樂而大利之歸倍商賈者千百自當時觀之豈非元吉厚福而抑知元吉厚福之別有所伏乎故吾願後之君子辨之早而謹之微也

梁武帝論

佛教自梁以後始有知竊吾儒心性之學以爲言者。梁以前其說禍福而已。克其禍之禍之之義。蓋從其教而不。儒與老之從者。雖向之元惡大憝。今亦降之福。不從其教而或儒與老之從者。雖守道之君子。亦必降之禍。其意固如此也。若然則古帝王之從其教者。莫如秦姚興。梁武帝若斯二君者。必將致備福。享遐齡。與天地同其久矣。何姚氏之亾。曾不旋踵。梁武帝父子陷於侯景。而國隨以亾。此其故何也。豈佛之不靈。歟。抑從之有未。

至歟夫姚秦以區區一隅招延縉素日以千數梁武帝捨身同泰寺羣臣贖之者再后妃宮主皆入寺受戒一時江南佛舍多至數千區可不謂至乎然而求福若此得福若彼觀秦梁之事者亦何以爲佛法解也嗟乎姚興不是論矣梁武帝史稱其博學多通有文武材幹吉凶之理豈不聞之世豈有起布衣登將相至殺其君之子孫而代有天下又且賣兵貪利三關之戰淮堰之築死者十九乃欲麪爲牲牢以救其慘暴而可徵福于淫昏之鬼者乎人生有可悔之過有不可悔之過可悔之

過小過也。不可悔之過。自絕于天者也。若梁武所謂自
絕于天久矣。雖宗堯舜崇仁義。招致賢俊。自求三代之
禮樂以治天下。天亦將不與其悔而從佛云乎哉。韓子
曰。彼佛者。果何人哉。其行事類君子耶。小人耶。若君子
也。必不妄加禍於守道之人。如小人也。其身已死。其鬼
不靈。天地神祇。昭布森列。非可誣也。又肯令其鬼行習
臆。作威福于其間哉。此可謂知道之言。而何古今之賢
智者多也。吾于梁以後。又得數君焉。如唐之代宗。德宗。
武宗。宣宗。宋之真宗。孝宗。明之憲宗。世宗。神宗。皆英主。

也。其行事豈梁武之可比。而或好浮屠。或好老子。或毀僧。猶道。或滅道。崇僧。雖其心于金石。殺身小人亂國。而不之悟。又何說哉。可見大道不明。則人欲橫流。人欲橫流。則邪說易中。故雖賢智。猶或不免。而何有昏愚如姚興。梁武者乎。或曰。形而上者。謂之道。形而下者。謂之器。聖人治天下。器行而道寓焉。佛老之教。言道而不言器。以器行道者。可以治家國天下。言道而不言器者。不可以治家國天下。而可以治心身。故佛老之教。君子所不可廢也。嗚呼。此僻儒之見也。且夫心身者。家國天下之

本也。家國天下者，心身之末也。可以治其本，卽可以治其末。豈有不可以治其末而獨可以治其本者乎？然則其所謂本者，亦自私自利之計，而非至正至大之功。譬之五穀養生者也。醇醲肥甘適口而腐腸者也。今有人焉，惟醇醲肥甘之日腐其腸胃，而猶自諱其名曰：吾以五穀養吾生，而惟以醇醲肥甘適吾口，不知腸胃日腐，其生豈能久乎？毋怪乎後世人主之不獲見正人間正言行正事而惑志於異教者比比也。

韓愈論一

孟子之闢楊墨與韓愈氏之闢佛有異乎曰無異也何
孟子之後遂無楊墨而韓子之後尙有佛也曰其人異
也從來力相敵勝以人有一國之人斯勝乎一國有天
下之人斯勝乎天下苟其人之相敵則或峙爲兩或分
爲三而欲其勝而一之也固難此孟子韓子之辨也然
則韓子之闢未力乎曰韓子之闢力矣雖力而未得其
精也立言者未得其精之所在而欲驟伸吾說以絀之
不可也迨程子朱子則嘗闢之而得其精矣闢之得其

精而功亦無加于韓子者何也。程子朱子欲爲孟子之
無楊墨也不知昔之楊墨可以無而今之佛氏不能無
也。蓋昔之時去古雖遠而猶有井田也。學較者三代之
禮樂刑賞未盡失。誦聖人之言者猶無大悖乎聖人之
行也。天下之人習見吾儒之常而偶惑于楊墨之異故
孟子一析之以爲我兼愛極之以無父無君天下遂翻
然自釋其惑。至今日佛之言精矣。楊曰爲我彼則曰無
我之相。墨曰兼愛彼則曰絕愛。儒曰有父有君彼則曰
正所以報君父。蓋知吾井田學較之不可復也。禮樂刑

賞之具存而日就崩壞也。誦聖人之言者，尙不如彼之
不悖乎彼之聖人者也。故爲空虛元妙之言，以招天下
之賢智，又爲輪迴果報之說，以驅天下之庸愚，其教日
尊從之者，日衆。是雖孟子復生，亦難爲力，而況其下焉
者乎？然則宜奈何？曰：勝之勝之，奈何？曰：崇吾之本，以化
彼之本。收彼之末，以助吾之末而已。彼之本，卽吾之本
也。唯吾本之不修，故彼得陰竊之，以恣其說，究極其陰
竊之說，亦無加吾之本也。傳曰：日月出矣，燭火不息，其
爲光也不亦難乎？夫燭火之光，何異日月之光？惟日月

不出其光始張耳故吾不急急乎燭火之撲滅而惟日月之自出也至于輪迴果報亦彼之所謂未也易曰精氣爲物游覓爲變故知鬼神之情狀書曰作善降之百祥作不善降之百殃聖人未嘗不言之也第聖人正言之以明人心之理彼特誕言之以蠱人心之欲理不勝欲久矣今執塗之人而告之曰爾爲善善必賞爾毋爲不善不善必誅未必懼也又執塗之人而告之曰爾爲善鬼神賞之爾毋爲不善鬼神誅之必惕然恐矣蓋鬼神者不可知而王者之權若不足信也曷收其不可知

之○機○以○補○吾○之○不○足○信○未○始○非○相○助○爲○理○也○傳○曰○名○其○
爲○賊○乃○可○滅○又○曰○殺○之○不○能○不○如○德○之○此○言○雖○小○可○以○
喻○大○有○能○名○其○爲○賊○者○彼○將○自○滅○若○無○能○名○之○者○則○不○
若○德○而○勝○之○之○爲○愈○也○吾○是○以○思○其○人○也○孟○子○者○則○其○
人○也○韓○子○者○學○其○人○而○未○至○者○也○

韓愈論二

或曰子之論韓愈氏之闢佛也謂佛至今日不能無然則佛之言果無異于聖人之言矣子其欲從之乎曰惡是何言也愚聖人之徒也方恨其學之未至未能辨之毫釐之間而拒之千里之外思得有孟子其人者出而使堯舜禹湯文武周公孔子之道大著于天下豈欲從之乎然而佛說之不能無也則亦有故蓋佛之初入中國也其所謂經教者率多鄙俚唯我之闢之者不得其人而天下聰明才智之士從之日衆於是陰竊吾儒精

微之義以助逞其辯故始惟梵唄而繼且論說矣始惟
天堂地獄之倉繼且戒律意識之細矣始惟福田利益
而繼且言明心見性矣窮之者愈微故遁之者愈巧攻
之者愈力故應之者愈奇是以韓子時之佛法已非漢
時之佛法程朱時之佛法又非韓子時之比今日之佛
法又豈特程朱之時乎此非盡從佛法者之過亦吾儒
之有以激之耳歐陽子曰病之中人每乘氣虛而入善
醫者不攻其病而務養其氣氣實則病去此自然之効
也然則自修其本以勝之者養氣之謂也倘不修其本

而○惟○口○角○之○爭○猶○醫○不○養○氣○而○惟○藥○石○之○治○吾○恐○病○將○
益○甚○而○醫○者○且○自○疑○其○術○矣○三○國○之○相○爭○也○昭○烈○所○持○
豈○孫○曹○可○比○無○如○其○勢○之○已○成○則○不○得○不○退○而○俟○其○闔○
獸○之○自○斃○朱○陸○之○辨○紛○爭○無○已○朱○子○所○持○豈○不○正○且○大○
而○不○爲○尙○口○之○窮○故○曰○日○斯○邁○而○月○斯○征○各○遵○所○聞○行○
所○知○而○已○夫○豈○朱○子○之○欲○從○陸○乎○我○之○于○佛○亦○若○是○而○
已○或○曰○佛○教○日○熾○人○心○日○疑○不○早○有○以○救○之○恐○將○盡○亾○
奈○何○曰○人○心○不○能○亾○也○秉○彝○之○善○堯○惠○不○加○桀○跖○不○損○
卽○從○佛○之○心○夫○豈○非○善○唯○彼○未○知○有○聖○人○之○善○而○但○聞○

佛○之○爲○善○故○從○之○雖○從○之○而○亦○未○嘗○不○知○其○非○至○善○苟○
不○與○之○爭○而○俟○其○平○旦○之○省○聞○見○之○觸○必○且○覺○聖○人○之○
是○而○悔○從○佛○之○非○也○養○長○其○覺○之○悔○之○之○萌○而○使○之○修○
于○天○下○修○于○國○修○于○家○與○身○此○卽○逃○佛○法○而○歸○聖○人○之○
基○苟○爭○其○覺○之○悔○之○之○萌○而○使○之○強○怒○于○言○弱○怒○于○色○
則○病○入○既○久○未○可○猝○除○吾○恐○或○反○遺○之○禽○而○操○入○室○之○
戈○者○有○之○矣○此○我○之○所○以○思○孟○子○而○不○思○韓○子○也○

馮道論

論古者如論病。論病者治病者也。論古者治今者也。治病而不得其人。所受病之原。雖倉譌不爲功。惟知夫寒暑燥濕之所由來。則後之養生者可遵以無失。論古者亦若斯而已。予嘗讀五代史。馮道傳。論謂見其長樂老敘。以爲無廉恥之甚者矣。嗟乎。君臣之際。尙忍言歟。夫道雖愚。豈不知有廉恥事。而甘至於此。吾以爲無恥者。道之病。而其所受病之原則不在乎無恥也。彼蓋以爲非君臣也。五代之際。凡五姓十二君。非民之歸也。非祖

宗之積累也不過各乘其兵勢之強弱以互爲攘奪且
與道故等夷耳故道之視其君方如郵傳亭長之往來
更易而其君之視道亦如狙猿犬馬磼之以芻粟弄之
以衣冠而已豈有所謂君臣之義哉嗟乎旣以爲非君
則不當爲之臣旣爲之臣則不可謂之非君臣之義固
不繫乎君也今夫女子之適人旣已通媒灼成伉儷矣
乃所適不得其偶而又曰是非吾夫也昔之夫我者固
未忘諸懷後之夫我者亦無異乎今也我之跡雖易而
心實無改也可乎不可乎道之心亦若是也或有爲之

說者曰社稷爲重君爲輕。社者所以安其民者也。稷者所以養其民者也。民得安養而後君臣之責始盡。君不能安養其民而臣獨爲之安養則必留其身爲社稷計而非矜一節者之足取也。曰此蓋爲一姓者言耳。國不幸有大故君去而社稷存焉則較乎輕重之間而擇其宗室之親者賢者以主社稷如晉之元帝宋之高宗明之景泰是也。未有君已亡社稷已易而可自號于人也。吾蓋權衡乎社稷與君之故而留吾身以安養斯民也。夫民者誰之民乎。雖亦不無小救而其失則旣大矣。故

由前之說觀之其病爲蠱而其受病之原在翫由後之
說觀之其病爲末而其受病之原在欺治蠱者有以定
其志治末者有以刳其理而已

王安石論

王安石以新法佐宋神宗治天下。而是非相乘。卒至于亂。說者謂靖康建炎之禍。皆由所爲。故追論之。若其奸有浮于章惇蔡京者。噫。此曲士之論也。易曰。潛龍勿用。子曰。隱而未見。行而未成。是以君子弗用也。夫龍德喜用而未成。則不可用。蓋用之必亢也。安石之過。其用潛龍而亢者乎。然而不可謂非龍德也。說者曰。祖宗之法不當變也。夫祖宗之法。誠不當變。然宋之祖宗與三代之君何如。以三代之法。不能無弊。而有忠質文之變。宋

之祖宗豈有萬世不變之法哉。且慶曆之初杜范諸公
已有欲變之者矣。後此又數十年。弊當更甚。當時如呂
正獻蘇文忠輩亦嘗欲變之矣。向使安石能待其學之
既成而後出圖天下之事。視其可變者變之。不可變者
因之。有功則已。不尸無功。則又集天下之公議。精思而
熟講之。安見變法之非至理哉。而惜其不能待故無成
也。嗚呼。成敗豈足論人哉。說者又曰。志太高也。夫以漢
文帝唐太宗爲不足法。而望其君爲堯舜。誠高矣。夫人
臣事君而不舉其至高者以爲貴。豈忠乎。且堯舜之政

亦○未○嘗○不○可○行○也○天○地○所○留○方○策○所○布○神○而○明○之○責○在○
後○人○向○使○諸○君○子○不○以○天○下○爲○安○石○一○人○之○天○下○而○虛○
衷○和○氣○相○與○于○成○堯○舜○豈○不○可○復○見○哉○乃○安○石○以○躁○成○
其○憤○而○諸○君○子○亦○以○憤○成○其○偏○安○石○誠○有○罪○于○諸○君○子○
而○諸○君○子○亦○不○能○告○無○過○于○安○石○也○說○者○又○曰○聽○用○非○
人○也○夫○以○當○世○之○元○臣○故○老○正○士○賢○人○皆○環○向○却○立○而○
無○一○人○之○助○小○人○遂○乘○其○孤○而○陰○用○之○矣○豈○安○石○之○心○
哉○程○子○曰○新○法○之○行○我○輩○有○以○激○之○洵○定○論○也○然○則○宜○
何○等○乎○曰○安○石○有○治○天○下○之○才○而○未○知○治○天○下○之○道○雖○

有亂天下之跡而實非亂天下之心諸君子特以其據位之久得君之專而又意氣高遠議論譎肆雖竭天下之才智以攻之而不能推辯之而不能屈故積其攻之辯之之氣以出于正而爲元祐之誅求又積其不能推不能屈之氣以出于邪而爲紹聖之報復宋之爲宋遂不支矣嗚呼此豈一人之罪哉吾嘗見范增之事項籍不用而憤惋以死謂其弊在居家好奇計耳霍光之受大任也不學無術後世譏之夫計與術皆不得已而用之者也人以爲奇我以爲常乃善耳每計好奇豈有成

哉○至○于○成○道○唯○在○無○欺○而○偶○由○于○術○術○者○亦○必○本○乎○學○
也○苟○無○其○學○斯○無○其○術○安○石○雖○非○不○學○之○流○而○實○有○好○
奇○之○志○故○亦○適○成○其○無○術○耳○然○則○安○石○者○乃○范○增○霍○光○
之○等○也○若○章○惇○蔡○京○小○人○之○尤○豈○其○倫○哉○吾○不○忍○以○安○
石○之○賢○而○見○誣○如○此○故○爲○一○言○

蜀雒黨論

孟子有大功于天下者二而言性善距楊墨不與焉蓋
孔門止言仁而未言義止言正心而未言養氣至孟子
始兼言之義者所以精仁者也氣者所以平心者也使
其人徒知仁而不知義則其于仁也必不能廣徒知正
心而不知養氣則其于心也必不能和是以後世君子
之過其禍敗常與小人等而反貽小人以口實者其弊
多由乎此如宋元祐之初大奸既拔衆正盈朝海內幾
幾乎有無黨無偏之望乃不數年而小人復用稅政復

行忠賢奔播民氣凋殘此豈盡小人之過哉亦君子之
有以啓之也何也小人之伺君子者常密中君子者常
深其有可以空善類而盡去之者莫如朋黨之說故凡
朋黨之說一進則君子未有不極受其誣而至不能自
辯如漢唐故事可鑒已然則爲君子者當此之時雖相
規相勉同寅協恭猶恐不遠其害而乃自示之隙則當
其諧謔爭辯之時小人之舉手而相慶也不已久乎是
以小人與君子之各爲黨也其禍猶小君子與君子之
自爲黨也其禍必大當時雒黨之首者程伊川也蜀黨

之首者蘇子瞻也。朔黨之首者劉燾輩也。皆君子也。劉燾輩或不足道。而何伊川子瞻之亦爲此也。子瞻猶文士耳。伊川紹絕學于孔孟。方將爲拜手之禹臯陶交讓之。周召而何亦爲此也。意者子瞻縱橫餘習悻悻之氣。人所難堪。然而正直之才。豈不可用以爲助。觀其始不附王安石。繼不附司馬溫公。其時幾欲以待安石者待溫公矣。卒賴溫公容之。故其悻悻之氣自化而歸于一向。使伊川亦以溫公之所以容之者容之。安知子瞻不以其化于溫公者化之乎。易于泰之初也。曰拔茅茹以

其彙征吉而于九二卽曰朋。人得尚于中行。蓋朋。人者。卽保其連茹之道也。伊川之學遠過溫公。何不自。人其朋而致啓元黃之戰哉。此我所以責于瞻者。猶薄而不能不歎息于伊川也。或曰伊川大賢。恐非後儒淺識之可測。曰此春秋之義也。春秋責備賢者。蓋惟其爲大賢而後責之。備亦惟責之備而後世始知所從也。蓋天下有天下之君子。小人。吾心有吾心之君子。小人。吾心之小人。未能盡去而天下之小人遂緣之而起。孟子曰以直養而無害。則塞乎天地之間。蓋必天地之間皆正氣。

則邪氣無所藏苟養之有不直則充之有不塞此不塞之一罅卽邪氣之穴處矣况正氣又自相疑鬪而邪氣有不盛者乎此紹聖之所以繼元祐而起也故吾觀世變而追論之且以自勵夫養氣之學也

三案論上

中庸曰國家將興必有禎祥國家將亡必有妖孽非妖孽之能亡人國家也蓋國家當將亡未亡之際其賞罰必不公是非必不明人心往往有妖孽之兆而妖孽乘之始出及其出也又不能以至誠感之弭之而務爲微倖攻訐之舉由是賞罰愈不公是非愈不明人心愈不正卒之禍亂相尋鐘簴傾覆而爲臣子者亦身凶家害之不可救此豈盡小人之過歟吾不能不爲其時號爲君子者惜也如明季挺擊紅丸移宮三事非皆妖孽歟

當是時也有君子小人之辨然自吾論之挺擊之事皆
小人也無所謂君子也紅丸之事君子之過小而小人
之罪大也移宮之事君子之心雖忠而近于無父小人
之言雖厚而近于無君均失也請先論挺擊夫張差一
愚氓耳僱值不償何至怨而成顛猶曰細人耳然何不
顛於薊州鄉里之間而必顛于長安五都之市又何不
顛於長安五都之市而必求顛于禁門元子之宮幸卽
擒耳萬一奮挺直入真有臣子所不忍言者亦將委之
日風顛可乎甚矣差之不可以不窮也窮之奈何日差

不足窮也。有主差者以差爲趙穿成濟也。主之者誰曰鄭妃也。福王也。鄭養性也。嗚呼。若然者。差不可以窮也。何也。鄭妃福王之於光宗庶母也。弟也。幸而當時實無此謀也。倘不幸而實有此謀。窮而得之也。爲光宗者將執而罪之乎。抑庇而赦之乎。庇而赦之者。傷神宗之法。執而罪之者。傷神宗之心。心與法均不可傷也。且夫弑逆之名人。豈易受。雖趙盾司馬昭猶將有辭。而况此荒唐影響之語乎。我窺諸君子之心矣。希定策之功耳。夫利欲之自計。而至傾人骨肉。以爲功同儕。且不可况君

臣○之○際○乎○我○故○曰○皆○小○人○也○無○所○謂○爲○君○子○也○然○則○君
子○宜○奈○何○曰○至○誠○之○極○可○動○神○明○伊○尹○以○之○格○太○甲○周
公○以○之○輔○成○王○矣○向○使○有○人○焉○以○公○忠○惻○怛○之○心○爲○和
平○正○直○之○論○執○差○而○蔽○其○要○詞○焉○然○後○從○容○以○請○於○神
宗○之○前○曰○兩○宮○慈○孝○無○間○細○言○誠○不○足○聽○然○青○宮○何○地
而○闢○入○有○人○可○謂○危○矣○毋○亦○服○御○之○資○有○不○豐○歟○左○右
給○使○有○不○備○歟○承○華○保○傅○之○選○未○盡○得○人○問○安○視○膳○之
情○有○不○上○達○歟○有○一○如○是○陛○下○察○之○神○宗○仁○主○也○有○不
悅○而○從○之○者○乎○神○宗○從○之○然○後○以○起○敬○起○孝○勉○之○光○宗

然○後○以○內○寵○並○后○支○子○配○嫡○之○禍○福○婉○告○鄭○養○性○而○使○
之○風○諭○禁○掖○則○光○宗○安○矣○光○宗○安○則○鄭○妃○福○王○安○矣○光○
宗○與○鄭○妃○福○王○俱○安○則○神○宗○安○矣○柰○何○不○爲○此○而○今○日○
許○御○史○爲○朋○奸○明○日○晉○提○牢○爲○生○亂○翕○訛○攻○擊○可○勝○慨○
哉○我○故○曰○非○盡○小○人○之○過○不○能○不○爲○其○時○之○號○爲○君○子○
者○惜○也○

三案論中

春秋曰許世子止弑其君買傳者曰非弑之也買病死而止不嘗藥耳歐陽子曰止實不嘗藥則孔子決不書曰弑君孔子書曰弑君則止決非不嘗藥愚亦曰然不嘗藥小罪也弑君大惡也以小罪而被大惡春秋不若是之苛也夫春秋不若是之苛而後世欲據春秋以斷人罪者而若是之苛也不亦過歟紅丸之事其時某相者舉朝欲討之許止也愚謂某相者不能無罪而以爲弑則苛何也某相者不學無文之人也易曰以小人而

乘○君○子○之○器○盜○思○奪○之○矣○上○慢○下○暴○盜○思○伐○之○矣○如○某○
相○者○始○爲○天○下○之○所○奪○繼○且○冒○天○下○之○所○伐○矣○當○時○李○
可○灼○懷○藥○禁○門○流○聞○大○內○詔○而○進○之○者○光○宗○也○一○進○且○
欲○再○進○者○光○宗○也○亟○稱○其○忠○而○欲○褒○嘉○之○者○亦○光○宗○也○
宰○相○不○得○而○知○也○且○明○法○帝○不○憚○視○疾○者○太○醫○院○也○司○
之○者○司○禮○監○也○外○廷○不○得○而○知○也○是○故○不○可○爲○某○相○罪○
也○嗚○呼○宰○相○者○君○之○貳○也○中○外○事○何○非○其○事○而○况○君○父○
存○亡○之○際○耶○成○王○之○崩○在○己○丑○而○甲○子○之○朝○猶○相○被○冕○
服○憑○玉○几○乃○同○召○大○保○夷○芮○伯○彤○伯○畢○公○衛○侯○毛○公○師○

氏虎臣百尹御事而命以嗣是日也太保卽命仲桓南宮毛俾爰齊侯呂伋以二千戈虎賁百人逆王子釗於南門之外豈特防非常之變亦以嚴始終之義也豈特正康王之始卽以謹成王之終也此在盛古且然而兄光宗之身危疑之身舉朝之口捷幡之口也當其時使其相者有太保萬一之志則必日宿禁內罔敢燕私明擇闡寺謹厚者與之約內庭舉動無或不聞徵倖之徒何自而起卽至事不可爲外議翕翕乃詔司敗執可灼而問之曰鴻臚非司藥之官紅丸無已試之效舍曰疾

亟進藥亦崩。不進藥亦崩。而崩適與藥會。藥不得無罪。藥不得無罪。則爾不得無罪也。蔽以詞。治以法。然後求薦者何人。調藥者何人。問當時何所見。而輒敢以聞。又問以何處。水用何等器。又蔽以詞。治以法。然後率百官以冕服奉嗣王入卽位。已然後束身待命。請誅已以爲人臣之不敬者。戒若幸而免。則又考昔言之異已者。爲君子也。君子親之言之同已者。爲小人也。小人遠之。集思廣益。納約自牖。如是則宗社復安。而伊周之業可再見矣。何計不出此。而惟晏安之懷。羣小之悅。人言罔恤。

利祿是私○豈有天子之崩在丑而宰相之入乃在寅李
可灼○不以爲罪矣而復有金綺罔命之賞及乎始終之
際○又不能考古禮引正人而惟苟且是圖婦寺是媚追
宗伯討賊之章中丞修史之疏崇朝並上始倉皇首鼠
而又不能奉身引過日夜與蠛蠓之流圖安居而固位
焉○誠不知世間有廉恥事者矣此卽庶寮且不堪而况
當伊周與太保之位者乎我故曰小人之罪大也至若
當時之攻之者亦非盡出于公也昭定之際春秋多微
詞焉○蓋恐昭公不得正其終則定公不得正其始夫以

昭○定○之○顯○然○而○孔○子○猶○或○爲○諱○奈○何○英○主○令○終○而○必○欲○
被○以○不○終○之○號○乎○且○與○挺○擊○時○事○不○相○及○也○而○追○論○曰○
幸○免○于○張○差○之○挺○終○死○于○可○灼○之○藥○羅○而○致○之○深○文○至○
矣○不○爲○光○宗○計○獨○不○爲○神○宗○計○又○不○爲○熹○宗○計○乎○是○亦○
不○能○無○過○也○我○故○曰○君○子○之○過○小○也○

三案論下

善○治○人○邦○國○之○事○者○一○如○自○治○其○家○今○夫○庶○民○之○家○有○
父○將○死○而○屬○愛○妾○于○其○子○者○曰○是○嘗○事○我○者○也○是○嘗○撫○
爾○者○也○我○死○當○少○崇○其○名○少○厚○其○稟○以○終○厥○身○其○子○亦○
能○惟○謹○矣○而○有○爲○其○僮○僕○者○曰○是○當○尊○奉○之○以○耦○其○嫡○
也○母○其○主○也○且○將○總○家○之○政○以○聽○命○而○陰○爲○盜○竊○之○地○
曰○此○先○君○之○志○也○夫○先○君○之○志○如○此○乎○如○此○者○是○無○君○
也○又○有○僮○僕○焉○曰○是○嘗○蠱○先○君○者○也○是○嘗○陵○幼○君○者○也○
不○惟○不○崇○之○而○折○辱○之○不○惟○不○厚○之○而○凍○餒○之○不○惟○不○

終厥身而且不能爲數日之待曰此善體先君之志也
夫先君之志如此乎如此者是無父也無父無君其失
均也李選侍者光宗之愛妾也其屬熹宗者不過曰少
崇其名少厚其稟以終厥身也使以正心和氣者處之
指顧間事會何艱阻而當世則君子以爲爭小人以爲
辨是非相尋至易世猶不能白此何故歟吾嘗論之父
死而子繼之策久定也嬪妃在御則光宗之考終可知
新君一出而勲老元臣拜舞恐後有何危疑之足慮也
俟大禮旣成而後出尺一詔徙選侍于他宮事至易也

加以妃嬪之稱豐其供御之祿德至渥也此不待智者
知之也而其時之號爲君子者則有異亦知其大策久
定而故爲瓜臺喋血之防亦知其本無危疑而故爲倉
皇捧日之態亦知其事之至易而故曰少緩一日則呂
武之禍不可支亦知其德之至渥而故持名器不假新
用宜節之論于是小人之議起矣曰孝子事親杯棬犬
馬之是恤而何愛妾之不能容一闥宣勅卽奔命之不
遑而豈有呂武垂簾之志禁庭豈無別館而必一號卑
隘之不可居內供何啻億萬而至皇八妹之飢寒無告

先朝簪珥之賫豈可當盜寶之誅乳哺保御之人豈可
比誨淫之醜使君子于此而有悔心焉曰臣之過也然
臣之所爭者禮也爲先帝之妾妾可從夫旣不爲新君
之母則不當居太后之室臣之所爭者此耳而內庭細
事則願從其厚也毋從其薄也願從其寬也毋從其刻
也信如是也小人亦將心服而緘其口矣而君子則不
特不以爲過而且以爲未甚也貂璫私怨代爲之修鄙
猥庸流密與之計甚以宮闈瑣屑宣播朝堂閭巷穢言
登之詔誥于是小人之勢愈張而君子之氣反餒矣嗚

呼選侍亦不幸而生鄭妃之後耳海內岌岌乎疑鄭妃之奪嫡者數十年而光宗又忽有此故諸君子以疑鄭妃之不足者疑選侍以爭光宗之不足者爭熹宗防微杜漸亦未嘗非忠臣愛國之心而不知知天下事之當爲而爲之者心也知其當爲而決然以爲之者氣也決爲所當爲而無過不及者心統乎氣也雖過不恤究至過猶不及而反授小人以口實者氣勝乎心也昔呂后欲危劉氏而自王其勢可謂危矣而平勃之心足以調氣足以任故能交謹決策漢室復安向使平勃者亦爲

諸○君○子○之○所○爲○則○身○且○不○保○而○何○有○于○劉○氏○哉○武○氏○之○
禍○古○今○之○大○變○也○當○其○初○立○不○可○以○不○爭○故○長○孫○無○忌○
褚○遂○良○雖○捐○軀○而○不○顧○蓋○其○時○高○宗○在○御○也○武○氏○妖○妄○
也○母○后○至○尊○也○向○使○其○號○止○妃○嬪○宮○連○咫尺○又○出○高○宗○
之○顧○命○而○武○氏○止○一○愚○婦○人○則○亦○何○爭○之○有○蓋○諸○君○子○
止○知○無○忌○遂○良○之○爲○忠○而○不○知○平○勃○之○爲○其○大○者○也○我○
故○曰○君○子○之○心○雖○忠○而○近○于○無○父○小○人○之○言○雖○厚○而○近○
于○無○君○均○失○也○

三案或問

或有見余之三案論而以爲戇者曰子所論三案之君子當時所謂正人也世俗方尊之襲之唯恐或指摘之而子一以爲無君一以爲君子之過小一以爲君子之心雖忠而近于無父不亦與世俗相戾歟余曰唯唯雖然吾求信于吾心而不求信于世俗也心者理也理之非者雖天下以爲是而吾不敢以爲是理之是者雖天下以爲非而吾不敢以爲非孟子曰聖人復起不易吾言夫何不求信于當時之人而預信之百世之後蓋當

世○之○言○者○口○而○聖○人○之○言○者○心○也○諸○君○子○之○理○學○之○節○
義○之○經○濟○之○文○章○其○足○爲○景○行○者○數○十○年○于○茲○矣○吾○豈○
敢○輕○議○然○三○案○本○小○事○也○以○經○諸○君○子○之○辨○訐○遂○成○明○
季○之○大○是○非○是○非○不○明○則○諸○君○子○之○心○亦○將○湮○滅○未○暢○
而○後○世○何○所○取○法○恐○亡○者○可○作○亦○未○必○不○以○吾○言○爲○定○
論○也○請○盡○言○之○張○差○真○妖○妄○也○然○以○爲○趙○穿○成○濟○則○非○
也○夫○使○鄭○妃○福○王○果○爲○盾○爲○昭○也○亦○必○求○親○如○穿○勇○如○
濟○者○乃○用○之○奈○何○倉○卒○之○際○而○遽○與○疎○遠○愚○怯○之○販○夫○
謀○此○哉○然○猶○可○諉○曰○疑○似○至○于○紅○丸○移○官○風○馬○牛○不○相○

及也。而當時必羅而合之曰白挺之不足而繼以紅丸。紅丸之不足而繼以稱制。噫甚矣。萬曆之季。寵妃愛子。猶或可號召奸邪。萬一光宗有變。猶可假神宗之命而爲兄終弟及之說。泰昌以後。福王之國矣。鄭養性廢閑矣。鄭妃一老宮人耳。其何由知李可灼之能爲梁冀劉季述乎。縱使與乎可灼。而光宗有子。福王可亂其世及歟。則鄭妃亦何爲歟。至李選侍之稱制。無論承平之世。必不能行。縱使能行。其將召福王而帝之歟。福王帝選侍安歸歟。選侍雖不爲熹宗計。獨不自爲計歟。則鄭妃

安能令選侍歟。由此觀之三案之各爲一事。皎然明白。而羅而合之者。甚鄭妃福王也。甚鄭妃福王者。懋神宗也。懋神宗而可爲忠光宗與熹宗也。耶。然而諸君子之所以得成其爲君子。諸小人之終不改其爲小人者。逆案之故也。蓋逆案之人有三案之人。故卽以三案爲逆案之始。以逆案爲三案之終。究之三案自三案。逆案自逆案。三案各有是非。而尙無邪正。逆案則止有邪正。而更無是非。以三案之人而流于逆案。誠無改于其子孫。若因逆案而卽以混三案之是非。亦恐無以服後世。然

則吾之爲此論也將以表君子之心而張其正亦以窮小人之辨而定其邪也。

或又曰皆往事也于論之不亦多乎曰非敢追論夫往之人也賈誼曰前事之不忘後事之師也古今國家之害莫大于君臣相蒙皆曰已治而不知天下爲何物治天下之道爲何事縱有深見遠謀欲爲生民請命者而文法拘牽上下衡決雖言之亦視若故紙或朝行夕改甚且斧鉞隨之如是雖龍比卷舌而况無龍比其人乎言且不敢而况爲乎是之謂有言不敢言有爲不能爲

也○明○季○三○案○之○時○猶○可○言○也○猶○可○爲○也○神○宗○寬○大○觸○諱○
無○誅○百○度○具○存○元○氣○尙○聚○其○勢○雖○如○厝○火○處○堂○而○敗○端○
未○見○使○有○至○誠○者○悉○心○以○圖○或○可○扶○之○不○至○大○亂○而○諸○
君○子○者○方○如○揚○火○而○恐○其○不○速○焚○破○巢○而○恐○其○不○速○燼○
何○哉○挺○擊○之○事○一○刑○曹○主○吏○之○所○能○治○紅○丸○移○宮○之○事○
一○老○璫○宮○嬪○之○所○能○辦○乃○不○以○爲○然○而○率○天○下○之○聰○明○
盡○天○下○之○材○力○蝸○爭○蟻○鬪○于○婦○孺○口○舌○之○間○抑○當○時○他○
無○可○爲○者○耶○當○時○而○他○無○可○爲○也○爲○此○不○足○爲○者○可○也○
使○當○時○而○他○有○可○爲○也○何○不○移○此○而○念○百○姓○之○疾○苦○也○

求將帥之兵籍也。籌邊疆之糧餉也。講求君學。倡明聖道。以端本原。而厚風俗也。不務爲君子之實。而務爲君子之名。是以人主厭之。天下厭之。小人乃乘人心之旣厭。而鼓動邪說。以亂其真。故懷宗初立。雖少振厲。不四五年而邪正淆然。迨其末季。朝廷凡有舉動。必以闔寺陰制其間。蓋君心以厭生。鄙以鄙生。疑疑之旣久。遂覺君子之無一足恃。而小人之未必全非矣。嗚呼。天下之禍孰甚于覺君子之不足恃。而欲求聰明材力于小人之中乎。然則三案烏可以不辨。吾之辨。蓋欲觀禴祥妖。

學之所由始而求端乎至誠之心而已也